



**NOGOMETNI / FUDBALSKI SAVEZ  
BOSNE I HERCEGOVINE**

**PROPozICIJE**  
**takmičenja Premijer omladinske lige BIH U-19**  
**i završnice Omladinskog Kup-a BiH**  
**u takmičarskoj sezoni 2023/24**

Maj/Svibanj 2023. godine

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj 17.05.2023. godine u Zenici, d o n o s i

**PROPOZICIJE**  
**takmičenja Premijer omladinske lige BiH U-19**  
**i završnice Omladinskog Kup-a BiH**  
**u takmičarskoj sezoni 2023/24.**

**OPŠTE ODREDBE**

**Član 1.**

Učesnici takmičenja u Premijer omladinskoj ligi BiH U-19 u takmičarskoj sezoni 2023/24 su 14 (četrnaest) klubova, i to:

12 klubova iz Premijer omladinske lige BiH U-19 iz takmičarske sezone 2022/23, te po jedna ekipa iz NS F BiH i FS RS.

**Član 2.**

Takmičenjem u Premijer omladinskoj ligi BiH U-19 rukovodi Komitet za takmičenje NS/FS BiH, (u daljem tekstu Komitet) u saradnji sa Službom za takmičenje i suđenje NS/FS BiH.

**Član 3.**

Takmičenje u Premijer omladinskoj ligi BiH U-19 provodi se po dvostrukom bod – sistemu, a prema Kalendaru takmičenja, koji na prijedlog Komiteta, donosi Izvršni odbor NS/FS BiH.

Raspored utakmica određen je žrijebom koji će se obaviti najkasnije 15 dana prije početka prvenstva.

Odluku o izmjenama, od strane Izvršnog odbora NS/FS BiH usvojenog kalendara takmičenja, u slučaju vanrednih okolnosti (vanrednog stanja, stanja elementarne nepogode, promjena u kalendaru međunarodnih takmičenja/natjecanja ili drugih odluka FIFA-e i UEFA-e), donosi Komitet na prijedlog Službe za takmičenje suđenje i događaje NS/FS BiH.

**Član 4.**

Utakmice traju 2x45 minuta.

Odmor između dva dijela igre traje minimalno 10, a maksimalno 15 minuta.

**Član 5.**

Nakon obavljenog žrijeba, klubovi su obavezni da u roku od 5 (pet) dana dostave:

- naziv stadiona na kojem će se igrati utakmice,
- naziv alternativnog (rezervnog) stadiona primljenog od nadležne Komisije NS/FS BiH,
- mjesto i vrijeme odigravanja utakmica (subota ili nedjelja zavisno kada igra seniorski tim),
- boja dresova (osnovna i rezervna).

**Član 6.**

Dva posljednja prvenstvena kola igraju se istog dana i u isto vrijeme. Izuzetno od prethodnog stava, Komitet može utvrditi i drugi termin odigravanja utakmice, samo u slučaju da ista nema rezultatski značaj i ishod iste ne utiče na plasman na tabeli.

**PROMJENA TERMINA ODIGRAVANJA UTAKMICA**

**Član 7.**

Ukoliko klubovi iz objektivnih razloga traže promjenu termina odigravanja utakmica u odnosu na prijavljeni termin igranja, zahtjev treba dostaviti Komitetu 8 (osam) dana prije odigravanja utakmice. Za promjenu termina, ukoliko se utakmica odigrava u radni dan, neophodna je saglasnost protivničkog kluba. U slučaju kada zahtjev za promjenu termina nije podnesen u skladu sa prethodnim stavom, Komitet može promijeniti termin utakmice samo ukoliko je klub koji traži

promjenu termina dostavio i pismenu saglasnost drugog kluba, što je moguće prije, a najkasnije tri (3) dana prije utvrđenog termina utakmice.

Kada je došlo do promjene termina utakmice, Komitet će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uvjetom da svaki klub ima najmanje dva slobodna dana između odigravanja dvije utakmice.

Komiteta može u opravdanim slučajevima, ili u pismenoj saglasnosti klubova, odobriti izmjenu dana i satnice odigravanja pojedinih utakmica.

Klub domaćin koji zbog razloga više sile ne može odigrati utakmicu na svom terenu ili odobrenim i prijavljenim terenima, dužan je najkasnije 8 (osam) dana prije navedene utakmice, odrediti mjesto i stadion gdje će biti domaćin utakmice i u pismenoj formi obavijestiti Komitet. U izuzetnim slučajevima, o čemu odlučuje Komitet, rok prijave se može skratiti na 3 (tri) dana.

Klubovi u takmičenju U-19 Premijer omladinske lige BiH imaju pravo na odlaganje prvenstvene utakmice, ukoliko je iz njihove ekipe pozvano tri (3) ili više igrača za sastav U-19 reprezentacije BiH.

## **DUŽNOSTI KLUBOVA**

### **Član 8.**

Klub domaćin je obavezan za utakmicu pripremiti svlačionice i teren za igru, a odluku o pogodnosti terena donosi isključivo sudija utakmice.

### **Član 9.**

Klubovi su dužni doći na stadion odigravanja utakmice 60 minuta prije početka.

### **Član 10.**

Klub domaćin obavezan je da delegatu utakmice stavi na raspolaganje računar sa internet konekcijom i štampač, te da pruži svu neophodnu pomoć u sastavljanju zapisnika. Takmičenje se administrativno vodi kroz COMET informacioni sistem. Klubovi su dužni da najkasnije 45 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici. Sve osobe, igrači i službena lica, sa dostavljenog propisanog obrasca za utakmicu, moraju biti licencirana od strane NS/FS BiH i registrovana u COMET sistemu.

U slučaju da sistem Comet nije u funkciji vođenje zapisnika sa utakmice se radi ručno, na za to propisanom obrascu, a naknadno će delegat u COMET sistemu napraviti zapisnik. Ručni zapisnik izrađuje se u četiri primjerka i potpisuju ga delegat, sudija i predstavnici klubova.

### **Član 11.**

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona/područja, zastava fair playa. Istaknute zastave moraju biti istih dimenzija.

Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije.

### **Član 12.**

Klub domaćin je dužan da preduzme sve mjere u cilju obezbjeđenja ličnosti: članova gostujuće ekipe i službenih lica prije utakmice, za vrijeme odigravanja utakmice i po završetku utakmice, sve do napuštanja stadiona i mjesta odigravanja utakmice.

Domaći klub je, također, dužan da obezbijedi odgovarajuću dežurnu redarsku službu dovoljnim brojem redara, te prisustvo pripadnika policije, ljekara, vozila hitne pomoći i 2-4 lica sa nosilima, te dovoljan broj sakupljača lopti (najmanje 6).

Klub-domaćin je obavezan nadležnoj policijskoj upravi prijaviti mjesto i vrijeme odigravanja utakmice, te druge relevantne podatke na zahtjev policijske uprave.

Bez pripadnika policije, vozila za hitnu pomoći ljekara, utakmica se neće igrati.

Za propuste u organizaciji utakmice klubovi će snositi takmičarske i disciplinske posljedice prema važećim propisima NS/FS BiH.

Klub domaćin obavezan je nezavisnoj snimateljskoj kompaniji, koju ovlasti NS/FS BiH, omogućiti adekvatne uslove (na centralnom dijelu stadiona) za snimanje utakmice.

### **Član 13.**

Za vrijeme odigravanja prvenstvenih utakmica u stadionu, pored terena za igru, u tehničkom prostoru mogu se nalaziti slijedeća licencirana lica na koja se primjenjuje dole navedeni standardi u pogledu odijevanja:

1. predstavnik kluba u odijelu;
2. glavni trener u odijelu ili treneri kluba, koji posjeduju najmanje trenersku UEFA A ili UEFA A Elite Youth licencu;
3. pomoćni trener u treneri kluba, koji posjeduju najmanje trenersku UEFA B licencu;
4. igrači u sportskoj opremi sa markerima;
5. ljekar kluba, odijelo ili trenerka;
6. fizioterapeut u treneri kluba
7. komesar za bezbjednost

Predstavnik kluba, glavni trener ili pomoćni trener ne mogu biti ista osoba.

Klubovi moraju imati u zapisniku sa utakmice službenog predstavnika, trenera i medicinsku osobu, u suprotnom snose disciplinske sankcije.

Navedena lica obavezna su posjedovati odgovarajuće validne licence evidentirane u COMET sistemu.

Po završenom procesu licenciranja, službena lica kluba moraju biti registrovana u COMET-u od strane Službe za za takmičenje i suđenje, odnosno Centra za edukaciju kada su u pitanju treneri.

Validnost evidentiranih licenci i identitet lica mogu kontrolisati samo subjekti koji su ih i izdali i delegat na utakmici. Identitet osoba iz zapisnika utvrđuje se na osnovu fotografije iz COMET-a.

Osobe čiji se identitet ne može utvrditi, nisu registrovane u COMET-u, za funkciju koju obavljaju na utakmici, i/ili im validna licenca nije unešena u COMET, ne mogu se nalaziti u tehničkom prostoru, osim zamjenskih igrača za koje važe odredbe člana 17.

## **KALENDAR TAKMIČENJA**

### **Član 14.**

Raspored odigravanja utakmica se objavljuje putem web stranice, i to najkasnije 15 dana prije početka takmičenja.

Raspored odigravanja utakmica nalazi se u COMET-u i sadrži mjesto igranja, takmičarski par i dan sa satnicom odigravanja utakmica, te obavezuje klubove da u skladu s tim odigraju utakmicu.

Utakmice Premijer omladinske lige BiH U-19 igraju se subotom i nedjeljom, ovisno od toga kada kao domaćin igra seniorski tim. Utakmice koje se igraju tokom sedmice igraju se srijedom, odnosno, četvrtkom, osim u slučajevima kada Komitet u skladu sa dogovorom klubova donese drugačiju odluku.

### **Član 15.**

U slučaju nastanka štete, odgovoran je klub domaćin, koji oslobađa NS/FS BiH svih zahtjeva za naknadu štete nastalu organizacijom utakmice.

## **IDENTITET IGRAČA**

### **Član 16.**

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMETU (kada je nemoguće utvrditi identitet), delegat utakmice neće dozvoliti nastup na utakmici.

Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

## **PRAVO NASTUPA, LJEKARSKI PREGLED I ČLANARINA**

### **Član 17.**

Pravo nastupa na utakmicama u Premijer omladinskoj ligi BiH U-19 u takmičarskoj sezoni 2023/24 imaju svi pravilno registrovani igrači rođeni na dan 01.01.2005. godine i mlađi, ali ne mlađi od 16 godina.

Izuzetno, mogu nastupiti i igrači koji su godinu dana mlađi od naznačenih godina, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama i pod uslovom da je nadležni registracioni savez unio isti u COMET, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog.

Na utakmicama mogu nastupiti samo oni igrači koji su uneseni u COMET sistem i koji su proglašeni zdravstveno sposobnim. Svaki igrač koji nastupa u takmičenju mora u COMET sistemu imati unesen period važenja ljekarskog pregleda i period za koji je uplaćena članarina.

Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH.

Za igrača koji nema upisan važeći ljekarski pregled u COMET -u, delegat utakmice neće dozvoliti nastup na utakmici. Rok valjanosti ljekarskog pregleda za igrače je šest (6) mjeseci.

### **Član 18.**

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri žuta kartona.

Automatsku kaznu zabrane igranja jedne prvenstvene utakmice, nastalu zbog tri žuta kartona, igrač izdržava na prvoj slijedećoj utakmici, u skladu sa odredbama Disciplinskog pravilnika NS/FS BiH.

Ukoliko igrač ima automatsku kaznu u jednom uzrastu, nema pravo nastupa u drugom uzrastu isti dan kada mu ističe suspenzija.

Igrač koji je upisan u zapisnik utakmice, smatra se da nije nastupio ukoliko nije ulazio u igru.

Na prvenstvenim i Kup utakmicama svaka ekipa u zapisnik mora prijaviti minimalno 18 igrača, a tokom igre se može izvršiti sedam zamjena, u tri prekida igre (u suprotnom ekipe snose disciplinske sankcije).

Igrač ne može nastupiti na dvije zvanične utakmice u toku istog dana, tj. prije proteka 24 sata od završetka prve utakmice.

## **DELEGAT NA UTAKMICI I ZAPISNIK**

### **Član 19.**

Delegata na utakmici u takmičenju Premijer omladinske lige BiH U-19 i završnice Omladinskog Kupa BiH, određuje Komitet iz reda delegata m:tel Premijer lige BiH. Prava i obaveze delegata na utakmici na ovom nivou takmičenja, uređena su odredbama Pravilnika o nogometnim/fudbalskim takmičenjima BiH i Propozicijama takmičenja m:tel Premijer lige BiH.

Delegat zastupa Komitet i ima vrhovni nadzor na utakmici.

Delegat utakmice je obavezan odmah nakon odigrane utakmice unijeti sve podatke o utakmici u COMET sistem, a iste treba sravniti i zaključiti sudija utakmice svojim pristupnim podacima.

Delegat utakmice je obavezan odmah po završetku utakmice istu zaključiti putem Fair-playa, a u roku od 24 sati po odigranoj utakmici, sačiniti i zaključiti izvještaj, putem COMET-a, te spiskove igrača ubaciti u Comet sekciju Dokumenti, svoga izvještaja.

Komitet donosi posebno Upustvo o vršenju dužnosti delegata.

## **Član 20.**

Delegat je obavezan da 60 minuta prije početka utakmice održi radni sastanak sa predstavnicima klubova i sudijama utakmice. U slučaju potrebe delegat može zatražiti prisustvo i drugih učesnika (predstavnik policije i redarske službe kluba) na radnom sastanku.

Delegat sastavlja zapisnik sa utakmice u prisustvu sudije utakmice i predstavnika klubova. Zapisnik sa utakmice se popunjava elektronski, u COMET sistemu.

## **SUDIJE/SUCI**

### **Član 21.**

Utakmice takmičenja Premijer omladinske lige BiH U-19, i završnice Omladinskog Kup-a BiH, mogu voditi sudije sa „A“ i „B“ liste m:tel Premijer lige BiH, Prve lige FS RS i Prve lige NS FBiH, te po potrebi perspektivne sudije sa zvanjem „Savezne kategorije“ nižeg stepena takmičenja, čije određivanje vrši Komitet za sudije i suđenje NS/FS BiH.

Prava i obaveze sudija na ovom nivou takmičenja, uređena su odredbama Pravilnika o nogometnim/fudbalskim takmičenjima BiH, Pravilnikom o sudijama i suđenju NS/FS BiH i Propozicijama takmičenja m:tel Premijer lige BiH.

## **STADION I TEREN ZA IGRU**

### **Član 22.**

Prvenstvene utakmice Premijer omladinskoj ligi BiH U-19, i završnice Omladinskog Kup-a BiH, moraju se igrati na terenima od prirodne ili umjetne trave za koju je izdat certifikat, a koji su verifikovani od strane Ad hoc komisije NS/FS BiH, koju čine po jedan predstavnik Komiteta za takmičenje, Komiteta za stadione i bezbjednost, te Generalnog sekretarijata NS/FS BiH.

Teren za igru, stadioni i uslovi za odigravanje utakmica moraju biti u skladu sa odredbama Pravilnika o nogometnim/fudbalskim takmičenjima BiH, Pravilnika o licenciranju klubova NS/FS BiH i Propozicijama takmičenja m:tel Premijer lige BiH i Pravilima nogometne/fudbalske igre.

## **ZABRANA NASTUPA ZBOG SUSPENZIJE**

### **Član 23.**

Suspendovana ekipa ne može nastupiti na zvaničnoj utakmici sve dok traje suspenzija.

## **ŽALBA**

### **Član 24.**

Žalbe na utakmicu podnose se Komitetu za takmičenje NS/FS BiH koji ih rješava u prvom stepenu.

Žalbe se po svim osnovama moraju najaviti uz obrazloženje, elektronskim putem, telegramski ili e-mailom. Najavu žalbe dostaviti u NS/FS BiH u roku od 24 sata po odigranoj utakmici, a pismeno obrazloženje sa dokazom o uplaćenju taksu mora se dostaviti NS/FS BiH u roku od 48 sati po odigranoj utakmici. Za utakmice posljednja dva kola prvenstva, žalbe se najavljuju i dostavljaju u roku od 2 (dva) dana od dana odigravanja utakmice.

Ukoliko rok za ulaganje žalbe ističe u nedjelju ili na državni praznik, rok za ulaganje žalbe se produžava za prvi slijedeći radni dan.

Žalba se dostavlja Komitetu putem Službe za takmičenje i suđenje NS/FS BiH.

Uz žalbu se dostavlja dokaz o uplaćenju taksu u skladu sa odlukom IO NS/FS BiH.

Odluke o podnijetim žalbama na utakmice donose se najkasnije u roku od četrnaest (14) dana od dana prijema žalbe, odnosno pet (5) dana ukoliko se radi o žalbi na utakmicu odigranu u posljednja dva kola prvenstva.

## **TAKSA NA ŽALBU**

### **Član 25.**

Iznos takse na žalbu je određen posebnom odlukom IO NS/FS BiH.

Taksa se vraća podnosiocu samo ukoliko se žalba u potpunosti usvoji.

### **Član 26.**

Nenajavljene, neblagovremene ili nedovoljno taksirane žalbe neće biti uzete u razmatranje, već će biti odbačene, a utakmica će biti registrovana postignutim rezultatom.

Pri ocjeni pravovremenosti žalbe uzima se u obzir datum e-maila, poštanskog žiga preporučeno pisma ili telegrama, ili datum na novčanoj uplatnici.

### **Član 27.**

Žalbe na odluke Komiteta za takmičenje podnose se Apelacionoj komisiji NS/FS BiH u roku od osam (8) dana od prijema pismene odluke.

Za utakmice dva posljednja kola rok za podnošenje žalbe je tri (3) dana. Žalba se podnosi putem Komiteta za takmičenje čija se odluka žalbom pobija.

Odluke o podnijetim žalbama na odluke Komiteta za takmičenje donose se najkasnije u roku od osam (8) dana, a o žalbama podnijetim na utakmice posljednja dva kola u roku od tri (3) dana od dana prijema žalbe.

Žalbe na odluke Disciplinskog komisije podnose se Apelacionoj komisiji u roku od osam (8) dana od prijema pismene odluke.

Protiv odluke Apelacione komisije ne može se uložiti žalba.

### **Član 28.**

U interesu regularnosti takmičenja, organ koji donosi odluke može utvrditi i skraćeni žalbeni postupak.

## **REGISTRACIJA UTAKMICA**

### **Član 29.**

Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komitet registruje postignutim rezultatom.

Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim/fudbalskim takmičenjima NS/FS BiH.

Komitet vrši analizu i registraciju odigranih utakmica na prvom narednom sastanku, a termin održavanja istog utvrđuju u skladu sa članom 9. stav 1 Pravilnika o radu komiteta Izvršnog odbora i pravnih tijela NS/FS BiH.

Izuzetno, Komitet registraciju odigranih utakmica može izvršiti putem e-maila ili telefona. Verifikaciju registrovanih utakmica vrši Komitet na prvoj narednoj sjednici.

Ako je na utakmicu uložena žalba, rok za registraciju utakmice se produžava do konačne odluke.

## **DISCIPLINSKE SANKCIJE**

### **Član 30.**

O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH.

## **OBNAVLJANJE LIGE**

### **Član 31.**

Iz Premijer omladinske lige BiH U-19 na kraju takmičarske sezone 2023/24 ispadaju dvije najslabije plasirane ekipe, a liga se popunjava sa dvije prvoplasirane ekipe iz neposredno nižeg stepena takmičenja u takmičarskoj sezoni 2023/24.

## **UTVRĐIVANJE PLASMANA**

### **Član 32.**

Ekipe koje pobijedi na utakmici, osvaja tri boda, a u slučaju neriješenog rezultata svaka ekipa osvaja po jedan bod.

Plasman klubova na tabeli utvrđuje se prema odredbama člana 43. Pravilnika o nogometnim/fudbalskim takmičenjima BiH.

## **FINASIJSKE OBAVEZE U OKVIRU OVOG TAKMIČENJA**

### **Član 33.**

Shodno odluci Izvršnog odbora NS/FS BiH, klubovi su oslobođeni plaćanja kotizacije za takmičenje u takmičarskoj sezoni 2023/24.

### **Član 34.**

Službenim licima za utakmice Premijer omladinske lige BiH U-19 pripada taksa i putni troškovi u skladu sa odlukom IO NS/FS BiH.

### **Član 35.**

Obračun i isplatu troškova službenim licima Premijer omladinske lige BiH U-19 će vršiti NS/FS BiH, iz finansijskih sredstava koje obezbjeđuje FIFA/UEFA za razvoj omladinskog nogometa/fudbala.

## **NAGRADE**

### **Član 36.**

Prvaku Bosne i Hercegovine Premijer omladinskoj ligi BiH U-19 dodjeljuju se: pehar i 30 zlatnih medalja.

## **ZAVRŠNICA OMLADINSKOG KUP-a BIH**

### **Član 37.**

U završnici Omladinskog Kupa Bosne i Hercegovine igraće pet ekipa iz NS FBiH i tri ekipe iz FSRS. U četvrtfinalu, polufinalu i finalu se igra jedna utakmica.

Finalna utakmica je u organizaciji NS/FS BiH.

U slučaju identičnog rezultata odmah će se pristupiti izvođenju udaraca za dobijanje pobjednika sa tačke za izvođenje kaznenog udarca.

Takmičenjem završnog dijela Omladinskog Kupa BiH rukovodi Komitet za takmičenje NS/FS BiH, u saradnji sa Službom za takmičenje i suđenje NS/FS BiH.

Organizaciju i sve druge troškove finalne utakmice Omladinskog Kupa BiH snosi NS/FS BiH.

Pobjedniku Omladinskog Kupa Bosne i Hercegovine dodjeljuju se: pobjednički pehar i 30 zlatnih medalja.

Drugoplasiranoj ekipi dodjeljuju se 30 srebrnih medalja.

Službenim licima finalne utakmice Omladinskog Kupa Bosne i Hercegovine dodjeljuju se 6 zlatnih medalja.

## **PRELAZNE I ZAVRŠNE ODREDBE**

### **Član 38.**

Za sve što nije predviđeno ovim Propozicijama, važe odredbe Pravilnika o nogometnim/fudbalskim takmičenjima BiH, Pravila nogometne/fudbalske igre, Propozicija takmičenja m tel Premijer lige BiH i drugih propisa i odluka NS/FS BiH, kao i pravila Međunarodnog BOARD-a.

Za tumačenje ovih Propozicija nadležan je IO NS/FS BiH, putem Pravnog komiteta NS/FS BiH.

### **Član 39.**

Propozicije stupaju na snagu danom donošenja, a primjenjuju se za takmičarsku sezonu 2023/24.

**P R E D S J E D N I K**

**Vico Zeljković**





## NOGOMETNI/FUDBALSKI SAVEZ BIH

Broj:  
Sarajevo, 17.05.2023. godine

Izvršni odbor Nogometnog/Fudbalskog saveza Bosne i Hercegovine, na osnovu člana 35. Statuta Nogometnog/Fudbalskog saveza BiH, na prijedlog Komiteta za takmičenje NS/FS BiH, na sjednici održanoj u Zenici, dana 17.05.2023 godine, d o n o s i

### **ODLUKU** o Kalendaru takmičenja Premijer omladinske lige BiH U-19 i Omladinskog Kup-a BiH takmičarska sezona 2023/24.

#### **JESENJI DIO**

<b>August/ Kolovoz</b>	12/13.08.2023.	<b>1. kolo POL BiH U-19</b>	<b>17:00</b>	
	19/20.08.2023.	<b>2. kolo POL BiH U-19</b>	<b>17:00</b>	
	26/27.08.2023.	<b>3. kolo POL BiH U-19</b>	<b>17:00</b>	
<b>Septembar/ Rujan</b>	02/03.09.2023.	<b>4. kolo POL BiH U-19</b>	<b>16:30</b>	
	09/10.09.2023.	<b>5. kolo POL BiH U-19</b>	<b>16:00</b>	
	16/17.09.2023.	<b>6. kolo POL BiH U-19</b>	<b>16:00</b>	
	23/24.09.2023.	<b>7. kolo POL BiH U-19</b>	<b>16:00</b>	
	30.09./01.10.2023.	<b>8. kolo POL BiH U-19</b>	<b>16:00</b>	
<b>Oktobar/ Listopad</b>	07/08.10.2023.	<b>9. kolo POL BiH U-19</b>	<b>15:30</b>	
	14/15.10.2023.	<b>10. kolo POL BiH U-19</b>	<b>15:00</b>	
	21/22.10.2023.	<b>11. kolo POL BiH U-19</b>	<b>15:00</b>	
	28/29.10.2023.	<b>12. kolo POL BiH U-19</b>	<b>14:30</b>	
<b>Novembar/ Studen</b>	04/05.11.2023.	<b>13. kolo POL BiH U-19</b>	<b>14:30</b>	

**PROLJETNI DIO**

<b>Mart/Ožujak</b>	02/03.03.2024.	<b>14. kolo POL BiH U-19</b>	<b>15:00</b>	
	09/10.03.2024.	<b>15. kolo POL BiH U-19</b>	<b>15:00</b>	
	<b>13.03.2024.</b> <b>Srijeda</b>	<b>¼ finala - Omladinski Kup BiH</b>	<b>15:00</b>	
	16/17.03.2024.	<b>16. kolo POL BiH U-19</b>	<b>15:00</b>	
	23/24.03.2024.	<b>17. kolo POL BiH U-19</b>	<b>15:00</b>	
	30.03.2024.	<b>18. kolo POL BiH U-19</b>	<b>15:00</b>	
<b>April/Travanj</b>	06/07.04.2024.	<b>19. kolo POL BiH U-19</b>	<b>16:30</b>	
	<b>24.04.2024.</b> <b>Srijeda</b>	<b>½ finala - Omladinski Kup BiH</b>	<b>16:30</b>	
	13/14.04.2024.	<b>20. kolo POL BiH U-19</b>	<b>16:30</b>	
	20/21.04.2024.	<b>21. kolo POL BiH U-19</b>	<b>16:30</b>	
	27/28.04.2024.	<b>22. kolo POL BiH U-19</b>	<b>17:00</b>	
<b>Maj/Svibanj</b>	04.05.2024.	<b>23. kolo POL BiH U-19</b>	<b>17:00</b>	
	<b>07.05.2024.</b> <b>Utorak</b>	<b>Finale - Omladinski Kup BiH</b>	<b>17:00</b>	
	11/12.05.2024.	<b>24. kolo POL BiH U-19</b>	<b>17:00</b>	
	18.05.2024.	<b>25. kolo POL BiH U-19</b>	<b>17:00</b>	
	25.05.2024.	<b>26. kolo POL BiH U-19</b>	<b>17:00</b>	

**P R E D S J E D N I K****Vico Zeljković**